

Paris, le 7 Mars 1954

Ho an'ny Mpiandra Malagasy Protestanta
aty Frantsa.

Ry rahalahy sy anabavy malala ao amin'ny Tompo,

Angamba ny maro amintsika, na isika rehetra aza, dia liana ta-hahalala ny momba ilay Mpitandrina ho an'ny Mpiandra Malagasy aty an-dafy. Koa dia indro, manome izao fanazavana aza ambara manaraka izao izahay.

Efa fantatsika aloha fa ny foto-kevitra dia efa nekena sy nolainina ara-dalana. Izany hoe ny Fiangonana Protestanta rehetra any an-tanindrazana, miombona ao amin'ny Conférence Inter-missionnaire, dia niara-nahatsiaro ny antony ilana Mpitandrina manokana ho an'ny Mpiandra Malagasy aty an-dafy. Dingana lehibe voalohany no afaka iny. Mby eo amin'ny fanatanterahana izay efa nekeny ireo havantsika. Tiana ho fantatsika fa efa misy "Statut" vita antsoratra mipetraka momba ny raharaha. Manaraka izany, ny fizarana ny "Budget" dia efa natao, izany hoe ny Misiona enina dia efa samy mahalala ny anjara tokony ho an'ireo Fiangonana ididiany avy.

Aoka anefa isika tsy halahelo loatra, satria mbola tsy azo antenaina ho tonga aty amintsika amin'ity teona ity ilay Mpitandrina. Sarotra ny mangy zavatra, indrindra raha zava-dehibe toy itony. Amin'ireo Misiona enina dia misy roa mbola tsy afaka nampiditra ny anjarany raha tsy amin'ny "Budget" 1955.

Tsarovy fa raharahan'Andriamanitra izy ity, izany hoe Andriamanitra no tena miasa hahatanteraka azy araka ny sitrapony. Matetika isika olombelona dia mila ny zavatra rehetra ho to avy hatrany araka izay irintsika fotsiny. Andriamanitra kosa anefa mahalala ny fotoana efa noheveriny ho antonona ny fanatanterahana ny zavatra sasany.

Aoka hampahery antsika ny fahelalana fa manana toerana ao am-pon'ny havantsika any an-tanindrazana tokoa ity raharaha ity. Tsy Fiangonana iray na Misiona iray fa ny fivondronam-ben'ny Fiangonana Protestanta rehetra any mihitsy no efa nanaiky sy eo am-patanterahana azy. Ary na dia hatramin'ny fifidianana izay Mpitandrina halafa aza dia noraisin'ny "Comité Intermissionnaire" ho adidy mivantana mihitsy, fa tsy ho araka ny fomba mahazatra.

Tsarovy koa anefa fa ao amin'ny "Statut" dia misy hoe: Ny fiveloman'ny ilay Mpitandrina dia ny Fiangonana Malagasy miray amin'ny Comité Intermissionnaire, sy ny Mpiandra Malagasy aty Frantsa no miara-mitondra araka izay tandrifiny avy..... Efa nanomboka ny fiomanany ny havantsika any an-tanindrazana. Aoka koa isika tsy hanadino fa hihevitra ny antsika. Matoky isika fa tsy hngataka amintsika mihoatra noho izay zakantsika rizareo any. Nefa ara-drarin'ny tokoa raha mba mahatsiaro sy manefa araka izay manandrify antsika isika.

Santionany iray monja amin'ny fiomanana tokony hataontsika rehetra Mpiandra aty Frantsa, ohatra, ny mividy ny fiasana

sasany tsy maintsy hilain' ilay Mpitandrina amin' ny fanaovana ny raharahany, toy ny "machine à écrire" sy "ronéo"...Ary tsy ny asan' izy irery no hilana ireo, fa ny raharahantsika ankapobeny mihitsy. Amimpahetsorana no ilazanay fa nampahery anay namanareo eto Paris ny taratasy voarainay avy aminareo aty amin' ny Provinces, samy mankasitrika noho ny "Fehizoro" sy mangataka fampitomboana ny isan' ny Gazety halefa amin' ny manaraka. Aoka ho fantatranareo anefa ny fahorianay amin' ny tsy fananantsika fiasana, ka mitotototo lava izao mindrana isaky ny hiasa. Vonona hanome fahafaham-po anareo araka izay azonay atao tokoa izahay. Nefa miankina amintsika rehetra koa ny tena fahatanterahan' izany. Koa dia mangataka antsika rehetra samy hazoto hifrimbona amin' izao "Souscription" misokotra izao, mba ho entintsika mividy fiasana. Sady efa fitsinjoantsika ny fihavian' ilay Mpitandrina ho antsika izany, no ho antoky ny fahalavorarian' ny asantsika ankapobeny amin' ny ho avy.

Izany ary, ny namana melala isany, no tianay hambara aminareo. Ary mbole manaranootra izao izahay hampahatsiaro anareo fa mahafaly anay mandrakariva ny hendray artikla mbamin' ny vaovao samy hafa avy aminareo rehetra. Aoka ho tena "Fehizoro" mampiray antsika rehetra tokoa ny Gazetintsika. Izany no tena fanirian' ny fonay.

Dia manao veloma finaritra anareo rehetra amin' ny anaran' ny Tompontsika izahay. Izy anie hanome anareo fiadanana mandrakariva amin' ny zavatra rehetra.

J.W.RABEMANAHAKA

Mpitandrina